



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MB5 65-01-0419-11, JIB 4200068970001, Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	6767

Strana:
1 od 1

Broj protokola:

02-1-04-7-215-35/21

JAVNO

DATUM: 17.06.2021

PRIMALAC: PASTOR M d.o.o. Mostar

FINANC d.o.o. Mostar

MIGROS d.o.o. Sarajevo

PREDMET: Obavijest: Nabavka robe - Vatrogasno pjenilo AFFF 3% ICAO LEVEL B

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Vatrogasno pjenilo AFFF 3% ICAO LEVEL B, provedene metodom nabavke Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, kao najpovoljnija ponuda za nabavku predmetne robe ocijenjena ponuda ponuđača PASTOR M d.o.o. Mostar.

S poštovanjem,

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

Direktor



Alan Bajić

DOP UP 01-3 01 01 Dopis, 2 izdanje/Rev 3



Tel

Fax

E-mail

INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	oc@sarajevo-airport.ba
FINANSIJE	+387/ 33/ 289 162	+387/ 33/ 289 234	
KOMERCIJALA	+387/ 33/ 289 177	+387/ 33/ 289 154	comdec@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 2
Broj protokola: 02-1-04-7-915-34/21	JAVNO

Datum: 16.06.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu Izvještaja i preporuke komisije za provođenje postupka javne nabavke robe: Vatrogasno pjenilo AFFF 3% ICAO LEVEL B, imenovane Rješenjem broj: 02-1-04-7-915-22/21 od 05.05.2021. god., Uprava J.P. Međunarodni aerodrom "SARAJEVO" d.o.o. Sarajevo na 38. sjednici održanoj 16.06.2021. god., donosi

ODLUKU

I

Kao najpovoljnija ponuda za nabavku robe: Vatrogasno pjenilo AFFF 3% ICAO LEVEL B, ocjenjuje se ponuda ponuđača PASTOR M d.o.o. Mostar, broj: PO -135/21, zavedena na protokol Naručioca pod brojem: 09-4-7-915-24/21 od 17.05.2021. god., koji je nakon provedene e – aukcije održane dana 25.05.2021. god., ponudio najnižu cijenu za navedenu nabavku u iznosu od: 17.500,00 KM (slovima: sedamnaest hiljad petsto KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

III

Izabrani ponuđač je, u roku od 7 (sedam) dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu novi Obrazac za cijenu ponude koji odražava cijene nakon provedene e – aukcije.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Vatrogasno pjenilo AFFF 3% ICAO LEVEL B, v.d. direktora J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-915 -3/21 od 22.02.2021. god., a Rješenjem broj: 02-1-04-7-915 - 22/21 od 05.05.2021. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-181-3-32/21 od 05.05.2021. god. Do ostavljenog roka za predaju ponuda, 17.05.2021. god., do 12,00 sati, na adresu Naručioca ponude su dostavila 3 (tri) ponuđača, i to: PASTOR M d.o.o. Mostar, FINANC d.o.o. Mostar i MIGROS d.o.o. Sarajevo.

Na javnom otvaranju ponuda, koje je održano isti dan u 12,30 sati, uz prisustvo predstavnika ponuđača PASTOR M d.o.o. Mostar, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Ponuda ponuđača FINANC d.o.o. Mostar dostavljena je u skladu sa zahtjevima Tenderske dokumentacije i ocjenjena formalno - pravno, tehnički i računski ispravnom i prihvatljivom za Naručioca.

Ponuda ne ispunjava uslove za primjenu preferencijalnog tretmana domaćeg.

-Ponuda ponuđača PASTOR M d.o.o. Mostar je dostavljena u skladu sa zahtjevima Tenderske dokumentacije i ocjenjena formalno - pravno, tehnički i računski ispravnom i prihvatljivom za Naručioca.

Ponuda ne ispunjava uslove za primjenu preferencijalnog tretmana domaćeg.

-Pregledom ponude ponuđača MIGROS d.o.o. Sarajevo, Komisija je konstatovala da je ovaj ponuđač greškom naveo da ispunjava uslove za primjenu preferencijalnog tretmana domaćeg u priloženoj Izjavi stav 10 pod a). Komisija je konstatovala da je ovaj ponuđač u ponudi jasno i nedvosmisleno naveo da je porijeklo robe Švedska, te mu ovi navodi nisu uzeti u razmatranje tj. nije primjenjen tretman domaćeg.

Komisija je konstatovala da je ponuđač MIGROS d.o.o. Sarajevo dostavio ponudu u skladu sa zahtjevima Tenderske dokumentacije, te je njegova ponuda ocijenjena formalno - pravno, tehnički i računski ispravnom i prihvatljivom za Naručioca.

Kako je Odlukom o pokretanju postupka nabavke kao kriterij za izbor najpovoljnijeg ponuđača utvrđen kriterij najniža cijena, to je Komisija sačinila rang listu prihvatljivih ponuda i konstatovala slijedeće:

1. FINANC d.o.o. Mostar, vrijednost ponude u iznosu od 19.500,00 KM
2. PASTOR M d.o.o. Mostar, vrijednost ponude u iznosu od 19.950,00 KM
3. MIGROS d.o.o. Sarajevo, vrijednost ponude u iznosu od 24.690,00 KM

Za ovaj postupak bila je predviđena e-aukcija za kriterij cijene i ista je uspješno održana dana 24.05.2021. god. Tokom e – aukcije ponuđač PASTOR M d.o.o. Mostar je spustio cijenu sa 19.950,00 KM na 17.500,00 KM, umanjeње cijene za 12,28 %; ponuđač FINANC d.o.o. Mostar je spustio cijenu sa 19.500,00 KM na 17.980,00 KM, umanjeње cijene za 7,79 %, a ponuđač MIGROS d.o.o. Sarajevo nije spuštao svoju prvobitnu cijenu od 24.690,00 KM.

Nakon održane e - aukcije Komisija je sačinila Rang-listu prihvatljivih ponuda koja glasi:

1. PASTOR M d.o.o. Mostar, vrijednost ponude u iznosu 17.500,00 KM
2. FINANC d.o.o. Mostar, vrijednost ponude u iznosu 17.980,00 KM
3. MIGROS d.o.o. Sarajevo, vrijednost ponude u iznosu 24.690,00 KM

Imajući u vidu naprijed navedeno, Komisija je konstatovala da je najpovoljnija ponuda za predmetnu nabavku ponuda ponuđača PASTOR M d.o.o. Mostar koji je ponudio najnižu cijenu predmetne robe u iznosu od 17.500,00 KM, bez PDV-a, pa je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđač.

Komisija je konstatovala da je ovaj ponuđač uz svoju ponudu dostavio dokumentaciju iz člana 45. Zakona o javnim nabavkama, koju nije potrebno naknadno dostavljati.

Uprava J.P. Međunarodni aerodrom "SARAJEVO" d.o.o. Sarajevo razmotrila je dostavljenu preporuku Komisije na 38. sjednici održanoj dana 16.06.2021. god., te je, nakon uvida u cjelokupno provedeni postupak, istu prihvatila i na osnovu člana 64., a u vezi sa članom 89. stav (3) Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

DIREKTOR

Alan Bajić



Prilog: Zapisnik o pregledu i ocjeni ponuda i Izvještaj o toku i završetku e - aukcije

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a